

SIARAN MEDIA

**MyCC CADANG KENAKAN PENALTI TERHADAP 22 PERUSAHAAN ATAS
DAKWAAN KARTEL PERKHIDMATAN PENJAGAAN KANAK-KANAK**

KUALA LUMPUR, 15 APRIL 2025 - Suruhanjaya Persaingan Malaysia (MyCC), sebuah agensi di bawah Kementerian Perdagangan Dalam Negeri dan Kos Sara Hidup (KPDN), telah mengeluarkan Keputusan Cadangan terhadap 22 perusahaan kerana terlibat dengan perjanjian penetapan harga bagi penyediaan perkhidmatan pusat penjagaan kanak-kanak di Kuala Lumpur dan Selangor. Perusahaan-perusahaan tersebut, pada peringkat keputusan cadangan ini, didakwa telah melanggar seksyen 4 Akta Persaingan 2010 (Akta 712).

Melalui penyiasatan MyCC, bukan sahaja terdapat cadangan untuk menaikkan yuran perkhidmatan penjagaan kanak-kanak telah dibincangkan, malah cadangan itu dipersetujui oleh kesemua perusahaan itu dalam satu mesyuarat persatuan. Keputusan tersebut kemudiannya dimaklumkan kepada semua ahli persatuan dan pemilik pusat penjagaan kanak-kanak yang lain melalui pengedaran satu pekeliling. MyCC mendapati bahawa tindakan ini bertujuan untuk menghalang dan menyekat persaingan dalam penyediaan perkhidmatan penjagaan kanak-kanak di Kuala Lumpur dan Selangor.

Perlu ditekankan di sini bahawa Keputusan Cadangan yang dikeluarkan oleh MyCC adalah masih pada peringkat dapatan awal. Maka, tidak boleh diandaikan bahawa mana-mana perusahaan yang dinyatakan dalam Keputusan Cadangan ini secara konklusifnya telah melanggar Akta 712 pada peringkat ini.

Seperti yang diperuntukkan dalam Akta 712, kesemua perusahaan yang dinamakan dalam Keputusan Cadangan ini telah dimaklumkan semalam mengenai penalti dan arahan yang dicadangkan oleh MyCC. Perusahaan-perusahaan ini diberi peluang untuk mengemukakan representasi bertulis kepada MyCC dalam tempoh 30 hari selepas menerima Keputusan Cadangan. Selepas itu, perusahaan-perusahaan yang sama juga diberi peluang untuk membentangkan representasi lisan masing-masing kepada Suruhanjaya pada tarikh yang akan ditetapkan kelak. MyCC hanya akan mengeluarkan Keputusan Akhir selepas mempertimbangkan representasi oleh perusahaan-perusahaan

UNTUK SIARAN SEGERA
MEJA BERITA / EKONOMI

ini bersama bukti yang diperolehi semasa proses penyiasatan.

Tan Sri Dato' Sri Idrus bin Harun
Pengerusi
Suruhanjaya Persaingan Malaysia

-tamat-

Untuk pertanyaan media, sila hubungi:

Bahagian Polisi dan Komunikasi

Telefon Bimbit: +6019 269 6037

Emel: pcd@mycc.gov.my

Mengenai Suruhanjaya Persaingan Malaysia (MyCC)

Ditubuhkan pada April 2011 melalui Akta Suruhanjaya Persaingan 2010, Suruhanjaya Persaingan ialah satu badan bebas bertanggungjawab untuk menguatkuasakan Akta Persaingan 2010, yang dilaksanakan untuk melindungi proses persaingan yang seterusnya akan merangsang produktiviti, keusahawanan yang berterusan dan inovasi dalam kalangan perusahaan, lantas mewujudkan pilihan produk atau servis yang lebih banyak kepada pengguna dan kualiti yang lebih baik pada harga yang berpatutan

Akta 712 ini terpakai kepada semua aktiviti perdagangan yang dijalankan di dalam dan di luar Malaysia yang memberi kesan kepada persaingan dalam pasaran Malaysia. Ia menyediakan kerangka pengawalseliaan termasuk kuasa untuk menyiasat, menghakimi, dan mengenakan hukuman kepada pelaku-pelaku yang melanggar undang-undang persaingan.

MyCC telah menyambut ulangtahun yang ke-14 pada 1 April 2025 dan sehingga kini, MyCC telah mengambil tindakan tegas terhadap hampir 267 syarikat berkaitan dengan kartel dan penyalahgunaan kedudukan dominan yang telah dengan jumlah keseluruhan penalti kewangan yang telah dikenakan melebihi RM664 juta. Keutamaan semasa MyCC adalah termasuk meminda Akta untuk memperkenalkan rejim kawalan penggabungan, menumpukan usaha kepada kartel tipuan bida, kartel dalam sektor makanan dan pertanian, serta menangani cabaran yang dihadapi oleh perundangan dan dasar persaingan berikutan ekonomi digital. Untuk maklumat lanjut mengenai MyCC, sila layari laman sesawang www.mycc.gov.my.